



UPA 2019/52
03. April 2019
Bentiaraq Ottosen

Landskarsimit tapiiffigineqartartussamik nammineq piumassuseq tunngavigalugu suliffissaaleqilernissamut sillimmasiisarfimmik pilersitsisinnaanermut atatillugu inuiaqatigiinnut sulisartunullu aningaasatigut iluaqutissartai akorngutaalu pillugit misissueqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Misissuinermi ilanngunneqassapput periuseq ataatsikkut sullivinnut tamanut atuuttoq kiisalu periuseq sullivinnut assigiinngitsunik suliaqartunut ataasiakkaanut atuuttussa q illaatillugu kattuffiit pineqartumut isumaat. Misissuinerup inernera Inatsisartunut ilaasortanut agguanneqassaaq kingusinnerpaamik UKA2020-mi.

(Inatsisartunut ilaasorta q Steen Lyng e, Demokraatit)

Kalaallit Nunaani sulisartuuneq inuiaqatigiinni orniginarsartuartaqarpoq, illuatungaani tamannak sillimmasiisarfimmik pilersitsisoqassappat sillimmasiisarfiup illuatungeriini atornerlunneqaratarsinnaanera ernumanartoqarpoq.

Maannakkut nunatsinni suliffissaaleqisut 5 procent-i ataallugu inissisimanerat takuneqarsinnaavoq, taamaattumik isumaqarpugut sulisartuuneq inuiaqatigiinni orniginartinneqaraluttuinnartoq. Suliffissaaleqinermik sillimmasiisarfeqarneq suliffissaaleqisut ikiliartuinnarnerannik kinguneqarsinnaavoq, tamatuminngalu sulianik nutaanik aallartitsisoqarsinnaanera pitsaasumik toqqammaveqartumillu ersersinneqartariaqartoq isumaqarpugut.

Sulisut ullormiit ullormut suliffigisaminnik angerlartitaasarnerat pillugu annertuumik aqqissuuisoqarnissaa kaammattuutigaarput, isumaqaratta illersorneqarsinnaasumik sulisartuuneq toqqammaveqartariaqartoq.

Atassummiit oqaatigiuarsimavarput sulinerup anersaava inuiaqatigiinni ataavartumik inissisimasariaqartoq, taamaattumik orniginartinngilluinnarparput inuiaqatigiinni sulisut akornanni angerlartitsiinartarneq. Sulinermik inuussutissarsiuteqarnerup inatsisitigut sakkortuumik illersugaanissaa pingaaruteqarpoq, tamatuminngalu sulisartut suliffissaaleqinermut sillimmasiisarfimmut ileqqaagaqarnissaat namminneq kiffaangissuseqarfigalugu iliuuseqarnissaat kaammattuutigalugu.

Suliffeqarfiit nammineerlutik suliffissaaleqinermut sillimmateqarnikkut ileqqaagaqarnissaat kaammattuutigaarput, tamatuminnga susassaqtut eqqorneqartussat illersorsinnaaqullugit.

Naalakkersuisut saqqummiussinerani maluginiakkatta ilagaat siunnersuummut ammaffiginnittut, tamatut oqaaseqarluta siunnersuut ataatsimiitaliami susassaqtumut innersuupparput.